

金鎖流珠引卷之九

思八

金鎖流珠引卷之九

思八

中華總真太仙掌書張道陵授丹書命李淳風為撰述

中華仙人李淳風註

上元上部將軍步綱圖

前聖老君授禹註禹受三等禹步一三步九

跡二十二跡三二十八跡今此三五大法通

其禹步不傳世世絕此步後聖君再授方諸

童君及尹喜真人王君及張天師等因此朱

書者皆後聖君再授也

右脚踏地左轉一轉即隨事所言

右脚踏地左轉一轉即隨事所言



老君授黃帝求長生等法訣七條

思八

一求長生於世為榮貴法訣捻司命目誦五

行祝一遍

金木水火土祝云云

二追召天狐法捻獸目言請上部功曹追限

某日到



三召龍捻龍訣

四召天神司命與上長生捻司命目

五召殺天上妖魅捻天鬼刀支

六欲召請日月星辰神捻日月星宿訣註左

手甲下是也

七欲昇天及思自身神上天欲追天魔妖精

龍獸天狗天豹等崇崇人合死者前思本師

承後出諸部如含弘兵共尋追斬之捻都監

訣後聖君曰步訖即捻上元上部將軍訣註

訣在左手第一指甲下又在中節二處都欲

上仙籍及修行出災害註如有災衰惡疾一  
一具為辭狀言之或為人求福德收祟去災  
厄亦具辭狀言之一切悉能消滅

老君曰上元本命日求長生先從上部將軍  
起次中部次下部其中元上部同註中部下

部總同用之得上元本命步上部三遍捻訣

訖存上元上部唐將軍註坎中元上部唐將

軍同從上元上部入泥丸宮等入泥丸宮少

時即入臣則玄左腎中註思存如舍影圖此

名正魂魄也行之二年神仙不死之驗上部




事畢

上元中部將軍步綱圖

禹受前聖步綱之道以於中部註中部屬人  
上部屬天下部屬地三部之內中部下部事  
多過於上部數條中人中事下地中事甚精  
或使效功或收捕有德驅役人鬼決水開山  
制鬼助人使龍使虎分變九跡成術萬端積  
德累仁飛身太極留其中部教授有心註上  
部將軍步傳世世號之曰大禹步亦一十五  
步曲折而行故稍難於上部而下欲有相似

若通者亦不為難志道之人役使蛟龍虎豹  
濟助世人兼令得道乘龍御虎豹也



左脚踏一轉訖但依心願言之此中部李將  
軍行禁五行六甲七星九精五斗散此禹步  
依之如衣使之如僕隨心順口後聖君告命  
祝初起網又祝曰  
太一是吾身吾是天中仙祖頭為太一府足



爲天柱五藏爲六甲主守天關驅使北斗叱  
喝一下千神萬靈俱隨口走急急如律令即  
思將軍入心腎中老君告黃帝及方諸童君  
曰此法一十六條是中部將軍合管使部行  
用步綱三遍畢即捻中部將軍訣註訣在左  
手第一指中節是第一法中部雖是上元主  
人人是中部中部自有三將軍註亦上中下  
三元此中部將軍能與人求正仙道可以中  
元本命日行此十六條事總人間用要之法  
即行不要但步綱



一自身中元本命日步中部李將軍網起三  
遍正魂鎮魄祝曰

李將軍入臣右腎中葛將軍爲副使令臣則  
玄長生人世久視無畏無懼註便存入右腎  
中存之如含影圖腎中坐鎮腎也祝訖叩齒

十二通捻中部訣註訣在左手第一指中節  
此法行之一年便長生久視百法立驗成  
二自身出災害厄疾還取中元本命日從自  
身五苦地起步網一遍出王相註王相算命  
具在上五行引中註祝曰

出死入生 註夫修行文書及章表有死字在

上行其生字不合於下書忌生生無極得見

太平君位畢捻水火土刀支金命人捻火刀

支木命人捻金刀支水命人捻土刀支火命

人捻水刀支土命人捻木刀支隨命各自有

思八

四

破五苦八難九厄百病刀支步綱於三五法

中消之一年之中未便消滅災厄不剋己身

長生其五刀支具掌圖中

三自身坐宅及院不安即取中元甲子日步

綱繞宅取三市或長禹步不論跡數以遍為



極訖三遍即祝曰

乾尊耀靈坤順內榮云云在金鎮流珠上卷  
中祝訖便安定

四自家宅中男女多病人口不安取中元甲  
午日甲申庚申壬寅日於中庭步上中下三

部將軍網各一遍捻明堂訣註訣在左手第

二指第二節捻之噴水四方存出三將軍各

領吏兵三千萬人繞宅三帀出火水獅子蛇

兵等趁除鬼祟妖氣流清蕩濁訖即書鎮宅

符帖門戶上註其鎮宅符在三部雜符文中

即祝曰

符制百鬼伏滅邪精玄武息盜白虎云云

五自身被兵圍繞或行兵心中存作中部禹  
步一十五跡次下部十五跡轉天關指之存  
三部註上中下三元總都部九將軍掣擊之

立即走衝破便出思八即捨刀支訣五訣在左手第

五指第二節右邊是刀支訣急捨之欲血出

即得以配五斗衣五度指之所指之處破乃  
領兵衝之立見倒過出後即解刀支彼人不  
死不解即死祝曰



出死入生立到天庭青龍扶我出白虎衛我  
行我是天使使天關衝破汝五兵急急急急  
急急破急急如律令註即揚旗走馬擊鼓破  
之立出

六自身遠行經過山草恐有蛇獸劫賊來害  
及恐有諸凶毒註凶是人毒是蛇獸之物相  
害者但覓無草地步中上下部三將軍禹步  
各三遍訖捻生人喉頭目及刀支并蛇目虎  
目等訖身出九天之上註九天之上是箕孤  
虛也一不逢衆凶毒衆凶毒忽逢且以孤擊

虛一女子打九丈夫不畏永不逢賊獸等忽  
相遇彼自驚走而去永不相干祝曰

亭亭白姦汝死我還我按三元閉水封山賊  
獸遠走不須路間路間地軸縛汝不難不肯  
去急縛急縛急急如律令註按此法未

發之時在家中變網作法了行無有賊獸之  
物敢干人干人賊獸自死也

七自有親族在他方州縣疾病及無圍隔者  
註按此說父母伯叔兄弟表外之親皆得非  
親道友弟子亦得外人非義者勿不得救之



從中部起註綱為人在中部次上元下部各

三遍訖後聖君告天師曰亦須躡天關地紀

各一遍一云順倒返三遍即存中元上部唐

將軍一人長八十一丈赤幘通天大冠帶劍

把戟領兵千萬眾前往彼宅放火燒鬼飛走

思八

把刀入門大叫三五聲獅子龍蛇六入彼人屋

內牀上牀下屋上屋下屋前屋後屋左屋右

凶殃毒殺患者皆誅斬之令砂崩瓦碎鹿走

千里誅斬清盪事訖令其病速差其賊其兵

速敗訖報者云云註作辭捻上元訣次中元

中部葛將軍一人身長七十二丈赤幘通天  
大冠帶劔執節領兵三千萬衆往某州縣鄉  
里某家宅中某身染患云云註須依疾病各  
恐被某鬼神妄祟所害與放火水燒流鬼賊  
衆把劔入門大叫三五聲師子云云同前之  
言次中元下部周將軍一人身長九十六丈  
赤幘通天大冠帶劔執節把符領兵三千萬  
衆往某州縣云云同前言辭即捻訣註訣在  
左手第一指第一節急捻之將三將軍陣飛  
天而去滿天蔽日到彼殺毒行病鬼賊如金



鎖流珠中篇三元三將軍法圖行用思存之  
八自身及六親道友被人作口舌讒謗妄行  
謀害者以步天網地紀各一遍訖即散步出  
存地闊各十五跡中元將軍禹步三遍訖捻  
彼人刀支註刀支捻少間不損前人若久久

思八

七

捻之十日五日彼人即困至死須看云就不  
得便妄損人慎之慎之一月半月間具前注  
即云為某事被某人作某口舌讒佞其身不  
安今請中部將軍一人集上部下部將軍各  
一人兵士各三千萬人為臣則玄解除凶人

要妄作口舌相謀之事鎮獸勿令有發動之  
時急令彼人自伏匿自受災害口舌之事永  
去我身反自作害彼人某之身急急知律令  
即誦金鎖流珠躡地紀十八遍呪呪曰  
吾受天炁當爲天地使云云十八遍呪總在

地紀經中一一誦之訖捻訣註訣在左手第  
五指第三節文上從而上右邊捻口舌訣在  
第一指第二節及指甲下捻之

九常自去身中三尸蟲令無妄白日過失及  
作身中疾病永得長生者可取中元庚申日



步中元三將軍禹步三遍訖即誦十八篇呪  
呪訖服符符在一百五十將軍靈書中有之  
十則每年取中元甲子日步中元將軍禹步  
三遍訖服制魂魄符三道註一符上元一符  
中元一符下元訖誦飛步天網五行呪呪是

金木水火土五行相推七星煥煥天網最威  
是也又誦地紀五行呪五行相推金木相伐  
水火相滅銅口鐵舌是也畢一日素食


十一常以一年之中取中元日排鏡七面可  
爲一尺八寸闊照身中神看有七魄以死若

欠一鏡中神即謂之神不足即吞安魂鎮魄  
符訖履中元將軍禹步三遍訖誦地紀祝父  
母篇一遍註吾生於父母長在俗間云云

安魂鎮魄符二道

安魂符

思八




鎮魄符






十二取中元甲子旬中取自身本命日書三  
符以帶之度九厄八難上中下等三元符


上元符



中元符



下元符



右五符並朱書

思八

九

書此符訖勅之曰

天之所育地之所成某甲佩符符與身并仙人輔已玉女衛形五色變化黃白赤黑青二十八宿合并紫庭神符却禍蒙福長生急急如律令註符並帶之用後男左女右



十三常護身保家者以朝修行後存中上下  
三將軍出巡家及身訖存入心腎之中常以  
衛護謂之衛身濟人有時即存往某州縣鄉  
里圍繞某家宅舍驅除凶惡之衆鎮守某親  
之身


此後聖君告天師十三條謂常存法也

十四入山水火渡江河用法常未離家之前  
三日或兩日步中上下三元禹步各三遍訖  
即言臣則玄欲入某山渡某河海江恐有蛟  
龍虎狼惡賊所謀臣身伏乞過度災厄令不




逢見見即與敵令勿損臣等身急急如律令  
 即捻虎目賊刀支天師曰我受先師後聖君  
 之教入山捻山王鬼刀支或捻虎狼目入江  
 海捻海神目入兵捻衆人刀支

渡江河海符二道





勅曰弓弓逢逢河伯導前辟蛟龍萬惡自滅  
 天帝明急急如律令

入水入火符



入山符



夜行入山符以帶之





勅曰恒山之陰太山之陽精魅不起毒蛇伏  
藏虎狼見我盡皆驚忙有姓李名耳猛虎見  
摧牙折齒毒蛇見者盤不起急急如律令捻  
都監訣

十五欲得一身及一家無病常正朝歲日步

三元將軍三等網從中元起次上元次下元

思八

十一


註爲人屬中元故從中元起步網訖捻都監

訣及都鬼目及三師等訣訖誦地紀十八篇

呪畢又誦天網祝一十二篇訖便捻都監都

心兩訣註大都監訣在左手橫文如人拳相

似都心在左手第一指甲下急捻之是千變  
萬化之內訣也吞一符一年一身及家若干  
人總無病每一人吞一符即得一年無疾也  
正月一日服此符一道



勅曰太上老君所生受使馳收縛精速去千  
里當吾者死視吾者亡急急如太上老君女  
青玄都律令



十六常以六戊日戊子戊辰戊寅戊申戊戌  
戊午是以取六戊土土以爲餅子長三寸二  
分厚三分陰乾數日即步中上下三元網各  
三遍畢誦地紀祝十八篇畢繫此餅子并著  
兩腳心履水如行地永渡江河避難得訣在

左脚下海神河神等目以朱塗之其土餅子  
繫著地心地神目上即禁得一切江海河湖  
中行水如地也此法妙極祕之其上元之中  
唯中部法通人使神制鬼救民求仙入真妙  
極之一法在於中部

上元下部將軍步網圖

次上元下部將軍一人姓徐名康身長五千  
萬丈領註金鎖流珠上無領字下五剛神功  
曹一人姓溫名舒註按流珠只言功不言人  
字言姓溫名舒即合是一人而已言百千萬

思八

十二

重人赤衣應是兵士必非功曹也按後聖君  
告天師曰上元上部將軍一人五剛功曹九  
人主事功曹九千人上元中部將軍一人五  
剛功曹七人主事功曹七千人上元下部將  
軍一人五剛功曹五人主事功曹五千人兵




士各百千萬重人並莫知其萬數也按此是  
後聖君授即是真數上元五剛功曹九人定  
上真中真下真上仙依此數也百千萬重訓  
多也人赤衣赤幘大將軍右手持玉陽之節  
腰帶龍淵莫耶之劍註按老君傳云斬邪之  
劍大羅天之上遊檢下入人身心右腎中  
存思右眉天門中出具用依前上中部將軍  
用也後聖君授天師拔宅升天訣云此三元  
大將軍上元三部是也並天皇代前聖大道  
君封補其上山將軍之立也註其流珠云並

是三皇向前太易之代非也中元三部即後  
 聖君置也其下部徐將軍事修行用法一一  
 依上部中部修用也大約下部主地水心行  
 之事悉皆起念便是用法一一皆主地水神  
 龍鬼之物也

思八

十三



後聖君告方諸童君及諸大真言上元三部



將軍步網以正鎮三魂北斗步網註是飛步  
天網以定七魄註不論天網地紀之法皆同  
制於七魄之法也夫人學仙道皆須先正三  
魂後制七魄令定是法之具入仙道之門功  
滿上昇禹步之網以治萬神萬神正定五藏  
堅牢法成身真故曰真人其行修下部步網  
皆以下元甲子中本命日修行步三遍註三  
遍一從初起開兩跡上跡步上至十五跡是  
也即誦地紀十八篇祝一篇天網祝十二篇  
一遍訖即捻都監訣少時即畢其別行用並

依前用

金鎖流珠引卷之九

共





